

Izjava: Vijeće ministara mora usvojiti Odluku o Direkciji za provedbu plana reforme policije

Najkasnije sutra Vijeće ministara BiH mora usvojiti Odluku o uspostavljanju Direkcije za provedbu plana reforme policije koji je odobrila Evropska komisija. Neusvajanje odluke značit će da BiH riskira da propusti svoj prvi cilj na putu za Evropu i poslat će vrlo negativnu poruku Evropskoj uniji, s obzirom da je reforma policije ključni zahtjev Sporazuma o stabilizaciji i pridruživanju.

“Rok 31. decembra je veoma blizu. Odluka Vijeća ministara samo je prvi korak ka uspostavljanju Direkcije. Kada odluka bude donesena, entitetske i kantonalne Vlade morat će Vijeću ministara predložiti članove Direkcije, a zatim će Vijeće ministara morati imenovati članove”, rekao je visoki predstavnik.

“Ovo mora biti urađeno kako bi se ispunio rok do kraja ove godine, koji je postavila BiH, a podržala Evropa. Svaki neuspjeh poslat će iznimno negativan signal o obavezanosti BiH na ispunjenje svojih obećanja. Kako EU može imati povjerenja u BiH ako BiH prekoračuje vlastite rokove”, dodao je visoki predstavnik.